

# EUSKAL FESTAK

## ETA

### NEKAZARITZA ETA GANADUEN BILLALDIYA ZUMARRAGA-N

Gipuzkoako Diputazio chit goituak bere kontura egiñak



Gipuzkoako Diputazio chit goituaren erabakiyari dagokiyola, ale-giñ guztiyan Nekazarilan eta Ganaduen onari laguntzeko, izango dira Zumarra-ga-n, datorren Agorrean, ondoren agertzen diran billaldi eta eliz-egintzak:

#### **Agorraren 16<sup>-ean</sup>**

*Goizeko zortziyetatik amabiyetara.*— Billalldiyan sartu nai duten ganadu, egazti eta lur-frutuen artutzea.

*Arratsaldeko ordubiyetatik hostetara.*— Billalldirako artuak izan diran ganadu, egazti eta lur-frutuen banakatze eta esamiña Juezak-gatik.

*Illunabarrean.*— Ama Birjiñaren elizan Salbea musika-talde osoa-rekiñ.

#### **Agorraren 17<sup>-an</sup>**

*Goizeko zortziyetatik amabiyetara.*— Billalldiyan sarituak izan di-ran ganadu, egazti eta lur-frutuen agertzea.

*Amarretan.*— Fuegoetako denboran egiten zan prozesioa eta Meza nagusia musika oso ederrarekiñ, sermoya euskaraz duela Jesus-en La-gundi-ko Aita gurgarri Serapio Mendia-k, gipuzkoar izkeran.

*Arratsaldeko labetan.*— Agertuko dira sariyak irabazitako ganadu, egazti eta lur-frutu guztiyak, jabeak zeñ dituzten deyez azaldu eta be-rai emanaz ondoren ikusten diran sari oek:

1.<sup>ko</sup> Bat 300 pezetakua, bestea 250, bestea 200, bestea 100 eta

bestea 75-kua, urte batetik irura bitarteko zezen, zekor edo idiskorik onenai, sari oetako bat eman bear zayolarik bertako kasta edo arraza garbikua dan bati.

2.<sup>garren</sup> Bat 250 pezetakua, bestea 200, bestea 150, bestea 125, eta bestea 75-kua, urte batetik bostera bitarteko bei edo bigarik onenai, sari oetako bat eman bear zayolarik bertako kasta edo arraza garbikua dan bati.

3.<sup>garren</sup> Bat 150 pezetakua, bestea 100, bestea 80, eta bestea 50-kua, sei illabetetik urte batera bitarteko apoterik onenai.

4.<sup>garren</sup> Bat 100 pezetakua, bestea 80, bestea 70, bestea 50, eta bestea 25-kua, sei illabetetik urte batera bitarteko zerriemerik onenai.

5.<sup>garren</sup> Bat 150 pezetakua, bestea 100, bestea 75, eta bestea 50-kua, urte batetik bostera bitarteko zaldi edo zaldiñorik onenai, sari oetako bi eman bear izanik bertako kasta edo arraza garbikoak diranai.

6.<sup>garren</sup> Bat 100 pezetakua, bestea 85, bestea 75, eta bestea 65-kua, urte batetik bostera bitarteko bior edo bior gazterik onenai, sari oetako bi eman bear izanik bertako kasta edo arraza garbikoak diranai.

7.<sup>garren</sup> Bat 80 pezetakua, bestea 70, eta bestea 60-kua, urte batetik bostera bitarteko aririk onenai.

8.<sup>garren</sup> Bat 70 pezetakua, bestea 60, eta bestea 40-kua, urte batetik bostera bitarteko ardirik onenai.

9.<sup>garren</sup> Bat 60 pezetakua, bestea 50, bestea 30, eta bestea 20-kua, sei illabetetik emezortzira bitarteko, bi ollo ta ollar bat arraza bakoitze-ko onenai, bertako kasta edo kanpokuen artian.

10.<sup>garren</sup> Bat 60 pezetakua, bestea 50, bestea 30, eta bestea 20-kua, sei illabetetik emezortzira bitarteko antzarik onenai, sari bakoitza irabazteko bi eme ta ar bat biar dirala.

11.<sup>garren</sup> Bat 50 pezetakua, bestea 30, bestea 20, eta bestea 10-kua, sei illabetetik emezortzira bitarteko aterik onenai, sari bakoitza irabazteko bi eme ta ar bat biar dirala.

12.<sup>garren</sup> Bat 50 pezetakua, bestea 30, eta bestea 20-kua, urte batetik bostera bitarteko uso parerik onenai.

13.<sup>garren</sup> Bat 80 pezetakua, bestea 40, eta bestea 20-kua, erlaeche edo eultzik onenai.

14.<sup>garren</sup> Bat 80 pezetakua, bestea 70, eta bestea 60-kua, urte batetik bostera bitarteko astorik onenai.

15.<sup>garren</sup> Bat 70 pezetakua, bestea 60, eta bestea 50-kua, urte batetik bostera bitarteko astaemerik onenai.

16.<sup>garren</sup> Bat 70 pezetakua, bestea 60, bestea 50, eta bestea 40-kua, sagardorik onenai.

17.<sup>garren</sup> Bat 50 pezetakua, eta bestea 30-kua, chakoliñik onenai.

18.<sup>garren</sup> Bat 50 pezetakua, bestea 40, bestea 30, eta bestea 20-kua, bertako gazta ongiyena egiñai.

19.<sup>garren</sup> Bat 40 pezetakua, bestea 30, eta bestea 20-kua, bertan egiñtako guririk onenai.

20.<sup>garren</sup> Bat 50 pezetakua, eta bestea 30-kua, unchia edo konejurik onenai, sari bakoitza irabazteko bi eme ta ar bat biar dirala.

21.<sup>garren</sup> Bat 70 pezetakua, bestea 50, eta bestea 30-kua, nekazari lanetako erremienta obeto egiñai, ala beren gayaz, nola pisuz eta irautez.

**ADITZERAK.**— 1.<sup>koa</sup> Ganaduen arraza alegiñ guztiyan obetzeko, zezenik onenak, au da, sarituak izaten diranak, bei-estaltzeko utzirik, zezenen sariyak emango dira: erdiya bereala, eta beste erdiya andik urtebetera, berriro zezen ori bera jabeak agerturik, bizi dan erriko Alkate jaunaren paper ziertotu batekiñ, non esango dan beiestaltzeko iduki duela denbora orretan.

2.<sup>garrena</sup> Datorren billalditik asi eta aurrera, bakarrik izango dira sariyen diñ amar illabetetik bi urtera bitarteko zezenak; eta denbora ontatik gora iru urte kunplitu gabe, aurtengo billaldiyan aurkezturik sariya irabazten dutenai, onen balio osoa emango zaye beingoan.

3.<sup>garrena</sup> Euskal-itz jostaldiak, zeñien azaldea argitaratu zan, egingo dira illaren 18-an beste festa muga onez esango diranakiñ.

\*  
\* \*

## ZUMARRAGA-KO

### NEKAZARITZA ETA GANADUEN BILLALDIKO

## L E G E A K



Zumarraga-ko Nakazaritza eta Ganaduen billaldiya, datorren Agor-raren 16-ean idiki eta 17-an ichiko dana, sari-emate otsandikuarekiñ, egingo da ondoren agertzen diran muga oeki dagokiyola:

1.<sup>ko</sup> Billaldira sartu nai duten ganadu, egazti eta lur-frutu guzti-